



Broj: 02-22-5-318-1/19

Datum: 30.04.2019.god.

Na osnovu Odluke o utvrđivanju radnog vremenu za određene djelatnosti na području Općine Doboj Jug („Službeni glasnik Općine Doboj Jug“ broj: 2/99) i člana 37. Statuta Općine Doboj Jug („Službeni glasnik Općine Doboj Jug“ broj: 3/08), Općinski načelnik donosi:

RJEŠENJE

o produženom radnom vremenu ugostiteljskih objekata
za vrijeme trajanja mjeseca Ramazana

1. Odobrava se vlasnicima svih ugostiteljskih objekata registrovanih na području općine Doboj Jug produženo radno vrijeme u periodu trajanja mjeseca Ramazana, odnosno od 06.05.-03.06.2019. godine (zadnji dan mjeseca Ramazana).

Za vrijeme Bajramskih praznika radno vrijeme ugostiteljskih objekata je regulisano postojećom Odlukom o utvrđivanju radnog vremenu za određene djelatnosti na području Općine Doboj Jug.

2. Produženo radno vrijeme će trajati do **02,00 sata iza ponoći**.

3. Zabranjuje se izvođenje žive muzike za vrijeme trajanja produženog rada za ugostiteljske objekte čije radno vrijeme je utvrđeno od 06,00-24,00 sata u skladu s Odlukom.

4. Upozoravaju se ugostitelji da u vrijeme trajanja produženog rada buka muzike i gostiju ispred i unutar objekta ne smiju narušavati kućni red i mir građana i drugih poslovnih subjekata.

O b r a z l o ž e n j e

Kako se u dane mjeseca Ramazana svakodnevno održavaju prigodne manifestacije, te činjenica da je vrijeme iftara te teravih namaza u večernjim satima, iskazala se potreba za produženim radnim vremenom ugostiteljskih objekata.

Imajući u vidu gore navedeno, u skladu s Odlukom o utvrđivanju radnog vremenu za određene djelatnosti na području Općine Doboj Jug („Službeni glasnik Općine Doboj Jug“ broj: 2/99), odlučeno je kao u dispozitivu rješenja.

Pouka o pravnom lijeku: Protiv ovog rješenja može se izjaviti žalba Drugostepenoj općinskoj Komisiji u roku od 15 dana od dana prijema rješenja.

Dostavljeno:

1. Web,
2. Mediji,
3. Policijska stanica Doboj Jug,
4. Oglasna ploča,
5. Kant. uprava za inspeksijske poslove ZDK,
6. Arhiva.



OPĆINSKI NAČELNIK
Mirnes Tukić, dipl.ecc